



Uunga siunnersuut: Meeqqat 18-inik ukioqalernissami tungaanut pisortat ingerlataannik angalatitsiviit aqqutigalugit angalasussaatillutik meeqqatut akeqalernissaat, aningasatigut qanoq naleqassanersoq Naalakkersuisut misissuinissaannik Inatsisartut aalajangiiffigisassatut siunnersuut. Misissuineq meeqqat akikinnermik angalasarnerannut malittarisassat allanngortinnissaannik tunngaviliissaq, kingusinnerpaammilu UPA2025-mi inatsisartunut saqqummiunneqassalluni.

(Inatsisartunut ilaasortaq Jens Napätk' Naleraq)

Aamma

Uunga siunnersuut: Soraarninngornikut pisortat ingerlataannik angalatitsiviit aqqutigalugit akikinnerusumik angalasinnaanerat ukioq naallugu atuutilernissaa aammalu soraarninngornikunut billetsit ukioq naallugu killeqanngitsumik pisiassaasinnaanerat aningasatigut qanoq naleqassanersoq Naalakkersuisut misissuinissaannik Inatsisartut aalajangiiffigisassatut siunnersuut. Misissuineq soraarninngornikut akikinnermik angalasarnerannut malittarisassat allanngortinnissaannik tunngaviliissaq, kingusinnerpaammilu UPA2025-mi inatsisartunut saqqummiunneqassalluni.

(Inatsisartunut ilaasortaq Jens Napätk' Naleraq)

Siullermeerneqarneranut oqaaseeqaat:

Meeqqat aqqaneq marluk sinnerlugit ukioqaleraangamik qinersisinnaalertarp? Angajoqqaatik qimallugit suliffittaarlutik nammineq najugaqalertarp? Meeraq aqqaneq marluk sinnerlugit ukioqaleraangami meeraajunnaartarpa?

Naamerluinnaq. Soorunami taamaanngilaq. Kisianni inuiaqatigiittut tamatta pigisatsinni angalatitsivigut taamatut isumaqarput. Taamaassanngilaq, meeraq meeraavoq, immikkut nammineq meeraajunnaartitsiniarsalutik pisnererat unitsinneqassaaq. Meeraq meeraavoq, meeqqallu 18-it inorlugit ukiullit akikinnerusumik angalasinnaanerat piaartumik kinguarsarnagu, tullissaanimut qineqquaarutigisinnajunnaarlugu, maanna atuutilertariaqarpooq.

Naleqqamiit pingartilluinnakkatta ilagivaat Inuaat Kalaallit nunaminni angerlarsimaffeqarnerminni inuttut naleqassusertik ataqqinassusertillu innarlerneqartussaanngitsumik pigalugu toqqisisimallutik timikkut tarnikkullu peqqinnartumik inuuneqarnissaat.

Kalaallit inuiaqatigiit politikkikkut aaqqissuussaaneranni sumi najugaqarneq tunngavigalugu katagaattumik inissismalluni inuiannik atugaqartitsisinnaanerput pinngitsoortissinnaanissaanut eqqumaffigisussaallutigu pisussaaffigivarput taamatullu inuuniarnikkut atugarisaatigulluunni aamma naleqqussaasinnaassuseqartussaalluta taama pisariaqartitsisunut.

Tassa inatsisitigut tunngavilikkamik pisussaaffiliisumik inuit qanoq issusaat aallaaviulluni periarfissaqartitsineq nunap innuttaminut isumaginninna aamma isiginninneranik taaneqarsinnaasoq.



Taamaattumik Inuaat kalaallit nammineq pigisatsinni soorlu inunniq angallassissutini akitigut qanoq atugaqartitsinssarput inuit imminnut illorsorsinnaanerat imminnullu pilersorsinnaassutsikkut killeqartuni pissusissamisoorpoq aaqqissueqqissagutta, tamannalumi siunnerfigalugu Naleqqamiit Inatsisartuni ilaasortaq Jens Napaattooq siunnersuuteqarpoq.

Naleqqamiit isigisatta ilagivaat silaannakkut inunniq assartuutini akeqartitseriaasianni kinaluunniit meeraq 12 angullugit ukioqaleraagat inersimasutut akeqartinneqartartoq.

Naalakkersuisooqatigiinniit paattoorneqarsinnaanngilaq ima Naleqqamiit oqarutta:
“Inatsisitigut meeraq meeraasussaatitaavoq 18-inik ukioqalernissaa tikillugu, tamannalumi Naalagaaffit Peqatigiit Meeqqat pisinnaatitaaffii pillugit Isumaqtigiissut naapertorlugu, immikkoortumi siulliusumi ilaatigut imatut allaqqasoqarpoq, issuaavunga:

“Artikel 1

Isumaqtigiissummi matumani meeraq ima paasineqassaaq tassaasoq, inuk kinaluunniit 18-it inorlugit ukiulik...”

Issuaaneq naavoq.

Taava qangalili piffissaagaluarpoq meeraq meeqqatut inatsisitigut aamma illorsorneqarnissaa.

Apeqqutit arlaqartut aaqqissusseqqinnissamut attuumassuteqarlutik naleqqussaqqinnejartussatut nalilerneqarsinnaasut arlaqarput. Meeraq inuusuttuaranngortutut isigilertarparput qassnik ukioqaleraagat? Meeqqat atuarifianniit soraarummeernerme kingornani atuarfinnun ilinniarfinnulluunniit allanut aallassappata 18 ataallugit suli ukioqarlutik tamanna atuarfeqarfinni ingerlatsivinni aamma iluaquqtissartaqarsinnaanera arlalitsigut Naleqqamiit isigivarput, kiisalu nunaminut utimut ulluni nalliuottsuarni soorlu Juullisioriassappata allatigulluunniit aasaanerani atuanngiffeqassappata ilaquaasut nammineq akilertariaqagaanni annertuumik ilaqtariinnut iluaquktissiisussaavoq siunnersuut siunnersuutigineqartutut isikkoqartillugu akuerineqaruni atuutsilersinnejarunilu.

Naalagaaffit Peqatigiit Meeqqat pisinnaatitaaffii pillugit Isumaqtigiissut meeraq 18-iliinissami tugaanut meeraasussaatitaasoq inuaat kalaallit nammineq pigisatsinni ingerlatsivinni soorlu inunniq assartuinerme angallassissutini inersimasutut pineqarnera Naleqqamiit akuerinngilarput.

Tassani akuersinnginnermi tunngavigalutigu meeraq 12-inik ukioqaleruni inersimasutut akiliisussaatitaalersarnera angallannermi.

Inummi aningaasarsiornikkut suli imminut pilersoranilu imminut napatissinnaanera imminullu illorsorsinnaanera suli killeqartunut atugassarititagut iluarsisariaqarpagut tikkuarneqassanngikkutta meeraq meeraasussaatitaaneranik ukiuliussaq kalaallit ingerlatsiviini nammineq pigisaminni atunngikkippot. Taamaattumillu inuaat nammineq pigisatsinni silaannakkut immatigullu angalatitsivinni kinaluunniit inuk 18 ataallugu ukiulik meeqqatut akeqartinneqartariaqarpoq angalanermi akigititaasunut.



Punkt 105

**Soraarninngornikut pisortat ingerlataannik angalatitsiviit aqqutigalugit
akikinnerusumik angalasinnaanerat ukioq naallugu atuutilernissaa aammalu
soraarninngornikunut billetsit ukioq naallugu killeqanngitsumik pisiassaasinnaanerat
aninaasatigut qanoq naleqassanersoq Naalakkersuisut misissuinissaannik Inatsisartut
aalajangiiffigisassatut siunnersuut. Misissuineq soraarninngornikut akikinnermik
angalasarnerannut malittarisassat allanngortinnissaannik tunngaviliissaq,
kingusinnerpaammilu UPA2025-mi inatsisartunut saqqummiunneqassalluni.**
(Inatsisartunut ilaasortaq Jens Napätk, Naleraq)

Inuiaqatigiit pigisaasa utoqqaat iluanaarniarfissaraat? Utoqqaat aasakkut utoqqaajunnaartarp?
Siusinaartumik soraarnerussutisiallit, innarluutillit allallu aasakkut innarluutaaruttarp?

Naamerluinnaq. Soorunami taamaanngilaq. Kisianni inuiaqatigiittut tamatta pigisatsinni angalatitsivigut taamatut isumaqarput. Taamaassanngilaq, akikinnerusumik angalasinnaanerat ukioq kaajallallugu piaartumik kinguarsarnagu tullissaanimut qineqquasarutigisinnajunnaarlugu maanna atuutilertariaqarpoq.

Nalunngilarput nunatta iluani silaannakkut angallannermi soorunami akit assigiinngitsuuusut, soorunami pissusissamisoortutut isigivarput nammeneq toqqakkatsinnik angerlarsimaffeqaratta nunatta iluani.
Taamaattorli Naleqqamiit oqaannanngilagut sumi najugaqariaaseq inuup nammeneq pisuussutigaa.

Nunatta iluani nammeneq pigisatsinni inuiaat imminnut illorsorsinnaanermikkut imminullu pilersorsinnaanermikkut killeqartunut atugassarititaasut naleqqussartariaqarpagut pingartumik ullutsinni inuuniarnikkut taama akisutigisumik kiffartuunneqarnikkullu taama assigiinngiaartigisumik politikkikkut aaqqissuussaanitta atugassaqartitsinerani.

Nunap karsia aningasanik tigoriagassaqarpat suliffissaaleqisullu ikilisimappata tamanna isumaqanngilaq nunap inuinik atugassarititaasut kusarnartuusut, tassami inuit iluangersortut sakkortuumillu aaqqissuussaanikkut eqqornerlunneqartut pitsanngorsaaviginissaannut massakkut Naleqqamiit Jens Napaattuumit siunnersutigineqartumi aaqqiissutissat ilaat tikipparput pingaruteqartoq pinngitsoortinneqarsinnaanngitsorlu oqartarutta inuk qitiutillugu kiffartuussissalluta.

Pineqarput soraarnerussutisiallit siusinaartumillu pisartagaqalersimasunut pisortat pigisaannit ingerlataannik aammalu ingerlatsivinni isumaqatigiissuteqarfiusuni angalatitsiviit aqqutigalugit akikinnerusumik angalasinnaanerat.

Siunnersuutip tunngavimmini imarisaani ilaareerput inuit utoqqalinersiuteqartut siusinaartumillu pisartagaqalersimasut tassa innarluuteqartut ersittumik ersinngitsumilluunniit.



Taakkua qaammamusiarisartagaat ineqarnerminnut kiassarnerminnut ullutsinnilu inuunermi atugarisatsinni attaveqaatinut nerisaqarnerminnullu ilami sorpassuarnut imminut pilersorniarlutik imminullu atisalorsorniarlutik aningaasat atortagaat naammanngereertut suli nunap atugassaritsaanit politikkikkut aaqqisuinerup malitsigisaanik eqqornerlunneqaqattaartut pitsangorsaavigerusuppagut Naleqqamiit.

Taamaammallu massakkut siunnersuutaavoq taakkua kiffartuussivitsigut inuiaat kalaallit pigisaannit kiffartuunneqarnerini oqilsaassinissaq.

Tamannalumi pisussaaffigaarpot maani inatsisartuni uagut issiasugut inatsisartummi naalakersuisunut sulititsisuupput, allaqqasoqarpormi.

Piginnittuunermut politikki 28. marts 2023-meersoq naapertorlugu Naalakersuisut aqtsinermut allagaataat – Namminersorlutik Oqartussat Aktianik piginneqatigiiffii

“... Ingerlatseqatigiiffiit inuiaqatigiinnit pigineqarnerat, taamaalillunilu inuiaqatigiinnik sullisisussaanerisa erseqqissaatigineqarnissaa isumaqatigiissuteqarnermi anguniakkat pingaarnersaraa.”

Tunngavissaqarpugut inuiaqatigiinnut pisussaaffiliissummik, pisussaaffik akisussaaffeqartumik tigullugu innuttaasunut soraernerusutisiaqartunut siusinaartumillu aningaasanik pisartagaqalersimasunut suliffeqarnikkut imminut pilersorsinnaajunnaarsimasunut pisussaavugut ikiutissalluta ulluinnarni inuttut atugarisaatigut naleqqussaaffigissallutigit.

Puiorneqassangillat taakkua inuttut naleqassusaat, ataqqinassusaat, periarfissaallu pitsaunerusariaqarput politikkikkut sinaakkusiinermi ataavartussamik ukiup ulluisa ingerlaviini ukioq kaajallallugu.

Soraernerussutisiaallit siusinaartumillu pisartagaqartut inuiaat pigisatsinni angalatisiviit kiffartuussiviini aammalu kiffartuussinissamut isumaqatigiiffiusuni tamani atuuttusanngorlugu inatsisitigut inissinneqartariaqarpoq periarfissaq taakkununnga naleqquttunngorlugu.

Inuunermi imaattariaqanngilaq, kinaluunniit kalaallit nunaanniittoo soraernerussutisiaqalernini imaluunniit siusinaartumik aningaasanik pisartagaqalernini pissutigalugu taakkua inuuniarnikkut amingangaarmata ilaqtutaminit ikorneqanngikkuni sumiiffimmini nikelqittussaanngitsutut imminut isigilernissani inississangaa.

Naleqqamiit puiungilarput inuup naleqassusa, sulilu peqqikkallartilluni sulilu angalaarsinnaatilluni periarfissinneqartariarpoq akitigut tassunga naleqqussakkamik taama piumaguni pisariaqartikkuniulluunniit.



Soorunami ullumikkut angalatitsiviit ukiumut isertittagaannut malunniuteqarsinnaassaaq allannguuteqartoqarpat, sunaluunniit akisooq amerlasuunit akissaqartinneqarneq ajorpoq akissamik katerseqqaarsimatininnani.

Akillu unamminartut atuisartunut periarfissiisarlutik malitsigisarlugulu niuerutigineqartup atorluarneqarneranik. Taamatuttaaq inississinnaaneq periarfissaaratarsinnaavoq angalatitsivinni.

Inuaqatigiit pigisatta angallassiviatiqut inuit soraernerussutisiallit siusinaartumillu pisartagaqalersimasut peqqissaavimmiiit angallanneqartartut eqqarsaatigissagaanni aamma malitseqarsinnaavoq peqqinnissaqarfiup aningaasartuutigisartagaanut ukiumut.

Soorunami angalatitsiviup ukiumut isertitagaanut sunniuteqarsinnaavoq qanorluunniit isikkoqarluni inernera.

Taamaattoq Naleqqamiit isumaqanngilagut inuit soraernerussutisiallit siusinaartumillu aningaasanik tigusartagaqalersimasut imminut tamakkiisumik pilersorsinnaanngitsut isertsiniutaanissaat inuaqatigiit nammineq pigisatsinniit.

Akerlianillu periarfissikkusuppagut taakkua atugaasa pitsangorsaqqinnissaannut angallattarneq eqqarsaatigalugu.

Siunnersuutit marluk imm. 94 aamma imm. 105 pillugit taamatut oqaaseqarluta ataatsimiititaliamut susassaqartumut piaartumik piviusunngornissaanut suliaqartoqarnissaa anguniaqqullugu ingerlateqqipparput.